

Τίτέλε κε Ρωλι uu Tiiti n wói

Λελεε ρίτέλε ντί κέμεε ní we

Tiiti ye ppe Kirisi ukó le yee úu Pisuifi mpuri kέμεε n léeri. U ppe Ρωλι ukεico le. U ppe meγá náásile kumúηέ κpe-i kaί ppe Ρωλι ne Korenti pikó icápine kecōpe n caai. Míni keπάάπάά ketē kapi ye n sée re Kirēeti-i kuú ppe kumúηέ κpe-i ke Ρωλι uu rítelé ntí u n wóipō we. Kei kuú ppe Uléécαα icápine yee kei ní we léni, in ne imecire nyóonsente.

Ifaaci iyē mekériine ye mmé:

1. Ρωλι ye méwee sōne kai m pise re Uléécαα icápine piwéése piké m má Tiiti léise (1:5-16).
2. U kō lē ke u ne pisoι anai mpehē mpehē nyee icápine kέμεε ní we api yé n tone kecáá icélaa u pa: piwéése ne pinósi ne pitisi nanē-nanē ne pilási (2:1-15).
3. Utume Ρωλι ye pisoι ημόόπúselē te piké isoι fale iyē ke Yeesu Kirisi uu Kirisi pikó n he n le (3:1-11).

Iyáhaa

¹ Nέ Ρωλι, Uléécαα ukεikó ne Yeesu Kirisi utume, néee rítelé ntí wólu.

Pi pikei né rimúise re ké pē ke Uléécαα uu n wée piyómeyáhaa tā am kō piróyómeyáhaa asei pi cereise piké ne kefa tene api nfáa tenciré yénu.

² Mpá yo liké kelene n kóri, Uléécαα ye ppe rinóo yekei re u unfaasone ró hene. Uléécαα úu kō unóome.

³ Ke likumúηέ aku n tu, uu n nyíse unsímé kuu né

rimúise kémee. Nsímé mmē kam kə nní kóónúselē yare lē ke Uróyulale Uléécaā uu m pise.

⁴ Tiiti kenépipi sei, nfatene mee ró m pénelē kémee kam títelē ntí pó wóipə. Sáa Uléécaā ne Uróyulale Kirisi Yeesu piké ípeelé pó nyíse api kə nkíññiñe pó he.

Pikei pē ke Tiiti uu n wai Kirēeti-po

⁵ Ne Kirēeti-po pó tíyete re a lēee piwai n tiselē pinyóonse tenese aa mpa kuyu kúye-i Uléécaā icápine piwéese tonsente yare kam pó m pise. ⁶ Li pise re Uléécaā icápine uwéese uké usoi uyē kápi ne ncaai nka nyu. Li pise re uké unósi use ula. Li kə pise re usiwā síké nfatene m má, ápi kape kə méwoo méwoo mewai ne si n wóhəsi, ási kape kə iháikuse m má. ⁷ Uléécaā pikei ke uyee Uléécaā icápine kecáá m páilē uu múilē. Lē nnya kái ne menyíne we re piké ncaai nnyine ukecáá yé. Ai pise re uké utelewélaa née uké kuwóí m má née uké útaniré née uyee mekópe kewóó n wéési. ⁸ Li pise re uké pisoí kusáne yósi nsəne uu ye lisəne n wai. Li pise re uké mewéesesəhə m má un aseí tikilē, un Uléécaā tíkílē ne kefa keše, uu ye kə umecire pitíne fe. ⁹ Li pise re uké Uléécaā Nsímé rimúlú yare lē kapi n céesi. Lin lē n wa, u yé fe uu picə céesi ne aseí icélaa. U yé kə fe uu pəpəe mekópe n céesi ncaai pi nyíse.

¹⁰ Likumúné re pi kulúí wele, aí ne tósu Pisuífi pəe Yeesu ncee rintíki kunai kémee. Pi pituciré le pəe pisoí n kúraasente ne piiniricélaa. ¹¹ A pi riséese. Síyə ne siriyu kpáráa kapi cókoi, pin lē kái m pise céesi piké ne mekópe siwóó n yé nnya. ¹² Piutare use, Kirēeti ukó yee maa re: Kirēeti pikó ye mesére pinóome le, pi isee kpákpára le, pi pikánkó

le pɛɛ piluke ŋmanɛ nfasimé n wai. ¹³ Lɛ̄ kuu kɔ nní m ma ye asei le. Lɛ̄ nnya kai pise re a pi cési n̄sɔne piké ne nfatene sɔne n yé. ¹⁴ Piké kɔ Pisuiɸi siwómé ne p̄soi pɛɛ asei kepire riñtɔ isé rin-yá nnya. ¹⁵ Píkperinkpɛciré ye m̄pá yo nyánile re ái mékperinkpɛ má. Píkperinkpɛkɔ́ɔ ne pɛpɛɛ ápi Ulééca m pakarelɛ́ p̄ɔn n nyáni re m̄pá yo ye mékperinkpɛ mále, ke p̄mesɔhɔ ne pikemúnjé akɛ mékperinkpɛ m p̄riilenle nnya. ¹⁶ Pi símisile yare pi Ulééca nyule, amá p̄mɛwai áme pɛɛ lɛ̄ nyíselɛ́. P̄mɛwee ye kuní wele, ápi ye picɔ ne nfasimé ripéne, ápi ye kɔ p̄kɛi sɔne p̄ka wa.

2

Icélaa kecire

¹ Amá p̄ɔkɛ́ lɛ̄ kai ne icélaa kecire menyíne ní we céesi. ² A pitisi wéése maa re piké p̄mɛciré t̄i api isoi sɔne m má pin nfasimé sɔne má, pin kɔ keyóme yáasi ne kefa keɛɛ, pin p̄soicɔ nla ne ísuúlu má n̄sɔne.

³ A kɔ pinósi wéése símisi re piké n sɔne yare lɛ̄ kai m pise re Ulééca p̄soi piké n sɔne. Api kape iwóhó m má, ápi kape kɔ p̄itaniré. Li pise re piké ye p̄soi n̄sɔne mesɔhɔ rikpá. ⁴ Kei kapi yéé ne pikpérefaa céesi re piké pipila ne p̄siwã n la. ⁵ Piké kɔ ne pi céesi re piké ye p̄riyu kecáá musí api ye kelenɛ linyine wai, piké kɔ isoi sɔne m má, piké piyalekei n̄sɔne n wai pin pipila pakarelɛ́, úka úu kape ne Ulééca nsímé kecáá nkópe n̄ka m ma nnya.

⁶ Lɛ̄ cire, m̄pá lin íye n we, a ye p̄soi riñm̄ópúse re piké ye musí api kelenɛ linyine wai. ⁷ Li pise re p̄́ ticurru p̄kɛ́ mɛwai sɔne n wai p̄soi piké yé. Nnóme n̄n kape ip̄ócélaa-i n we. Ái kape kecáá

κεκάά ikó. ⁸ A γε ανώ κεcirε nyεε άα κύκεηε ή we rihaa pipóláarō piké ne isei n li kápi kerócaá nkópe níka n yé piké ní male nnya.

⁹ A pilási maa re li pise re piké γε pipikeisaa pakare, pin pimela pi wai mpa yo kémeε. Ai pise re piké γε pinkó kési. ¹⁰ Ai kō pise re piké γε pi yáái. Amá li pise re piké γε mpa pívei piisoi sone pi nyíse, pin pi tikilē ne kefa kesε piké ne mpa yo-i Uróyulale Uléécaá icélaa ríyu waise.

¹¹ Likumúné re Uléécaá γεε tíyεse ke písoi nnéi api yé te u ípεelée pi nyíσεε. Kei ke písoi nnéi piyulale api yé fe api léeri. ¹² Uipεelée γε ró nyíσε re tóké leλεε ái Uléécaá ní nyamí ne ketē nté likáipi-káipi kepire ritō ari merócíre ketē κεκάά m múílē tōn aseí tikilē, tōn isoi sone ke Uléécaá uu ní la le. ¹³ Lē kai m pise re tóké mpōnarε keyaa kē m mé γε lē, keyáa kē ke Uróléécaá píima ne Uróyulale, Kírisi Yeesu meyoopi ame nyíσεne. ¹⁴ Tó nnya kuu umεcirε he re uké likópe nnéi anipe-i ró ημέherεεσε uu ró pólse umpuri ke uyē uu n te, nké n cáká-cákálē nn kō ne mewai sone piwai ημόópúlē.

¹⁵ Lē kai m pise re póké céési γε lē. A γε kέyu kóosi áa ne písoi itisi kpáσε aa γε kō pincaai pi nyíσε. Kapε riyá unyine uké pó lómiise.

3

Uléécaá písoi mεfine

¹ A Uléécaá písoi léise re ái pise re piké kuyu piwéεσε ne piyóopi pipakare γε. Li pise re piké pi m pakarelē, piké kō mewai sone piwai ne n ημόópúlē. ² Api kapε úka nkópe n símisi, piké isoi niηe-niηe m má, pi ne picō piké meséρε n láárúne, api mpa

úye ne isoi sɔne n le. ³ Tó ticuruu ári pɛɛ nyu karí ne wai. Tɔ pɛɛ kupakareciré mále, tɔ pɛɛ ncée pɔle. Lirókáipi-káipi ne merópóla ye pɛɛ ilási ró tónselenle tɔn tikpákárá ne kufatoi má. Ari pɛé nyamí. Tɔ pɛɛ picɔ ipuri yulule, pɛ pin kɔ irókó yúlu. ⁴ Amá kumúhɛ kɛ-i ke Uróyulale Ulééca uu kusoi ró n wa uu kɔ unla sisoipipi nyíse, ⁵ u ró yóriyele, ái re kari mewai kecire n wa nnya, amá kuu íwe ró n tɛ nnya. Nfáasɔne nnaɛ kuu ne míni piwole ritiki uú ne tiróyu lɔlu re Nfáasɔne nké tíyese táké isoi fale yɛ ari kɔ mɛfine conse. ⁶ Likumúhɛ re Ulééca ye ne Uróyulale Yeesu Kirisi ritikile uú ne Nfáasɔne ró he yare u kerócaá n kɔɔnule. ⁷ Uipeeléé iké ne tó ripólóse aseí pite Ulééca keyu-i, ari pɛɛ fe ari nfáa teneciré kari m mɛ yenu. ⁸ Nsímései ye mu. Ne la re a nsímé mmú pisímé riɛmóópúse, pɛpɛɛ ne Ulééca kɛfa n tene piké ne mewai sɔne piwai kɛyu mahā n̄sɔne. Lɛlɛɛ ní nyamí, lin yé kɔ sisoipipi yoriye ye lɛ. ⁹ Amá a iníríkɛɛne ne pikúlā akɛentelé nkó ne pitele ne Moisi isé kecáá pipasaine kaase. Lɛ nnéí ái ye yoriye, ái kɔ ríyu ríka má. ¹⁰ A ye ne uyɛɛ Ulééca icápine-i písoi n cɛɛse cési yare mɛpɛhɛ meté. Liute unsá lɛ memáá n kɔ, áá ne u tɔlu. ¹¹ Ai líka nnya, pɔ nyule n̄sɔne re usoi un lɛ n we, li nyíselenle re u ncée kecire pitíki yele, akópe nyɛ kuu kɔ n wai an nyíselɛ te u umɛcire akópe palenle.

Icélaa tɔrɔɔ

¹² Nen píyei Aritemasi née Tisiiki kɛpómɛ n tumpɔ, a riɛmóópúme áá weri aa Nikopolisi-i né lɛeri, likumúhɛ re ne rihó re kei kam nnyiyɛ píima kumúhɛ tonɛne. ¹³ A isé unyuwe Senasi ne Apoloosi kecáá ripáí n̄sɔne líka ái kape pi ripáí

kumújé kpe-i kapi pincee n tósu. ¹⁴Li pise re pirókó ricuruu piké mewai sone piwai pinla ne pinnaje tã, nipa piyei lin ye úye meyíkíyiki rincón, api liute yoriye, api kape méwoo n we.

¹⁵Pẽ nnéi pee kenémee ní we ye piyáhaa nó páaipã. A pepe Kirisi ne kefa n tenelẽ pin ko pirósáne yáási. Uléecaa uké nónnénéi ípeelé nyíse!

Nkomine Fal Ritɛlé Sola New Testament

copyright © 2010 UEEB/SIM au Benin

Language: Sola (Miyobe)

Translation by: SIM International

Sola, Nkomine Fal Ritɛlé

This translation, published by the UEEB/SIM au Benin, was published in 2010.

If you are interested in obtaining a printed copy, please contact the SIM, BP 15, Parakou, Benin.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-10-02

1bac8ff9-a7c9-52ef-bb5e-7155dd6ba1a1